

SAKSPAPIR

Saksnr	Utval	Type	Dato
010/21	Valstyret	PS	24.03.2021

Saksbehandlar	ArkivsakID
Bente Skjerping	21/54

Stortingsvalet 2021 førebels oppteljing av valtingsrøyster

Rådmannen sitt framlegg til vedtak:

«Førebels oppteljing av valtingsrøystene vert halden i krinsane ved stortingsvalet 2021.»

Valstyret - 010/21

VS - behandling:

AVRØYSTING

Rådmannen sitt framlegg vart samrøystes vedteke.

VS - vedtak:

«Førebels oppteljing av valtingsrøystene vert halden i krinsane ved stortingsvalet 2021.»

Saksopplysningar:

Saksopplysningar:

Bakgrunn

Etter at valtinget er avslutta, skal røystestyra telja opp røystesetlane i urnene. Talet på røystesetlar skal først i protokollen for røystestyret. Denne ordninga har truleg samband med at det ikkje lenger vert nytta røystesetelkonvolutt på valtinget, då med unntak for røyster som vert lagt i særskild omslag.

I Osterøy har ein ved tidlegare val hatt førebels oppteljing i krinsane. Røystestyret må i alle høve telja setlane, og det tek då ikkje så mykje lenger tid å sortera på parti og gjennomføra førebels oppteljing for kvar krins. Dette gir også det raskaste oppteljingsresultatet frå grovteljinga.

I tillegg kjem kravet i valforskrifta om at førebels oppteljing av røystene skal skje manuelt. Manuell oppteljing inneber at oppteljinga skjer for hand, utan bruk av maskiner. For å praktisk kunne gjennomføre ei manuell oppteljing, må dette skje i krinsane eller på rådhuset. Grunngevinga for dette kravet er at det skal sikre legitimiteten til valresultatet.

Erfaringa med krinsvis oppteljing er god, og ein kjenner ikkje til noko som tilseier at ein skal endra på dette. Krinsvis oppteljing føreset at det er minimum 100 personar med røysterett i krinsen, jfr. Vallova § 10-4, 2. Ved færre manntalsførte må ein telja fleire krinsar saman.

Førehandsrøystene vert talde sentralt tidlegare på valdagen, om mogeleg dagen før.

Vurdering

Det er viktig å få resultatet frå grovteljinga fram så fort som råd, og krinsvis oppteljing er då den beste løysinga. I Osterøy er alle krinsar store nok til å ha grovteljing. Rådmannen rår difor til at ein held fram med førebels oppteljing i krinsane. Då kan krinsen starta oppteljinga umiddelbart etter at valtinget er avslutta, medan ein ved sentral oppteljing må venta til alle krinsrøystene er komne inn.

Folkehelse	-	ikkje vurdert i saka
Miljø	-	ikkje vurdert i saka
Økonomi	-	ikkje vurdert i saka

Konklusjon

Førebels oppteljing av valtingsrøystene vert gjort i krinsane. Saka vert lagt fram for valstyret til handsaming og avgjerd.